


十誦律

才二十

三百十一
從十

49864



北京大學圖書館藏

十誦律卷第十一

從

姚秦三藏弗若多羅共三藏鳩摩羅什譯

第二誦之五

九十波逸提之三

佛在舍衛國。爾時有二客比丘向暮來次第得一房共住。一人得床一人得草敷。二人夜



宿已不舉便去時草敷中生虫。噉是草。噉床脚床胜床。檔床繩噉被。縛枕噉已入壁中。在



尔時有一居士請佛及僧。明日食佛默然受已。居士知佛默然。即從座起。頭面禮足。右繞而去。還到自舍。是夜辦種種多美飲食。早起敷坐處。已遣使白佛。食具已辦。唯聖知時。諸比

丘往居士舍佛自住房迎食分諸佛常法諸比丘往居士舍時佛自持戶鉤從一房至一房看諸房舍佛即持戶鉤從一房至一房開一房戶見是草敷氈生噉草噉床脚床陛床擋床繩被縛枕佛見已入是舍內徐徐舉被縛枕安徐舉床漸漸舉敷草却氈已掃灑泥塗竟抖擻被縛枕打床脚氈還著本處敷卧具已閉戶下扃還在房舍獨坐床上結跏趺坐是時居士見僧坐已自手行水自與多美飲食自恣飽滿尔時居士知僧飽滿已攝鉢竟自手與水取小床坐衆僧前欲聽說法上座說法已從座起去諸比丘隨次第出還詣佛

所諸佛常法諸比丘食後還時以如是語勞
問諸比丘飲食多美僧飽滿不佛即問諸比
丘飲食多美僧飽滿不諸比丘言飲食多美
衆僧飽滿佛語諸比丘汝等入居士舍已我
持戶鉤遊行諸房開一房戶見草敷中生虫
虫噉是草噉床脚床陛床檔床繩噉被纏枕
已入壁中任欲齧人是事不是非法不應介
云何僧卧具趣用踐蹋不知護惜諸居士血
肉乾竭爲福德故布施供養汝等應少用守
護者善佛語諸比丘誰是中宿諸比丘言世
尊有二客比丘來次第是中共任一人得床
一人得草敷夜宿已地了便去佛種種因緣

呵責云何名比丘用僧卧具無所付囑便去
種種因緣呵已語諸比丘以十利故與諸比
丘結戒從今是戒應如是說若比丘比丘房
中敷僧卧具若使人敷是中坐卧去時不舉
不教舉者波逸提比丘房者或屬衆僧或屬
一人極小乃至容比丘四威儀行立坐卧自
敷者自手敷使敷者教他敷坐者坐上卧者
身卧上不舉者不自手舉不教舉者不教他
舉波逸提者煑燒覆障若不悔過能障礙道
是中犯者若容比丘比丘房中敷僧卧具出
界去波逸提若舊比丘比丘房中敷僧卧具
出界去作是念即日當還_有急因緣不得即

還出界至地了時突吉羅佛言從今日聽付
囑僧卧具已便行囑者有五種言此是戶鑰
此是房舍此是卧具若說此是戶鑰此是房
舍此是卧具應付囑誰耶應付囑敷卧具者
若無敷卧具者應付囑典房者若無典房者
應囑修治房舍人若無是人應付囑是中舊
比丘善好有功德持戒者若無是人僧坊
中若有善好賢者若守僧坊人應付囑不應
付囑無慙愧破戒比丘亦不應囑小沙彌若
不能得好人若有衣架爲牙杙應持被褥枕
著上便去若無衣架爲牙杙是中有兩床者
持被褥枕著一床上以一床覆上去壁四寸

便去不犯者是房中留物去乃至留盛富羅

囊

竟十五

佛在舍衛國。爾時長老耶舍與五百眷屬俱
來向舍衛國欲安居。時諸比丘皆作安居。先
事謂塞壁孔罅。塞土墮孔罅。補缺壞解。治繩
床。抖擻被枕。爾時六群比丘懈惰。不作遙見
他作。便生是念。我等上座。須彼作竟受卧具
已。當於後入。隨上座。駟起作是念。已諸比丘
作竟受卧具已。六群比丘便隨後入。諸比丘
問六群比丘。汝共我等來作先事。不荅言不
作。諸比丘言。汝等共我來不作先事。我等作
先事。竟我不起。六群比丘言。如佛所說。隨上

座次第受房不說不作先事者不與我是上座云何不起六群比丘大力勦健不大謹慎即強牽出是比丘柔軟樂人頭手傷壞鉢破衣裂是中有比丘少欲知足行頭陀聞是事已心不喜種種因緣呵責去何名比丘比丘房中瞋恨不喜便強牽出種種因緣呵已向佛廣說佛以是事集比丘僧知而故問六群比丘汝等實作是事不荅言實作世尊佛以種種因緣呵責云何名比丘比丘房中瞋恨不喜便強牽出種種因緣呵已語諸比丘以十利故與諸比丘結戒從今是戒應如是說若比丘比丘房中瞋恨不喜便自牽出若使人牽癡人遠去不

應住此除彼因緣波逸提比丘房者或屬僧
或屬一人極小乃至容四威儀行立坐卧瞋
恨者不隨意故不喜者瞋不喜見故自牽者
自手牽出使牽出者教他牽若從床上至地
從房內至戶從戶至行來處從高上至下處
從土埤上至地波逸提波逸提者煮燒覆障
若不悔過能障礙道是中犯者若比丘瞋恨
不喜牽提比丘能牽者波逸提不能牽突吉羅
若使他牽能者波逸提不能者突吉羅若從
坐床上能牽者波逸提不能者突吉羅若從
卧床上房內戶外行處高上土埤上若能牽
者波逸提不能者突吉羅隨自牽隨教牽皆

波逸提突吉羅若房舍欲破故牽出不犯竟
佛在舍衛國介時長老迦留陁夷惡眠不一
心眠軒眠斷齒窺語頻伸拍手動足作大音
聲諸比丘聞是聲不得眠故食不消食不消
故身體患痒悶吐逆不樂諸比丘各各共
相近敷卧具作是念莫令迦留陁夷入中卧
時迦留陁夷強來入中敷卧具諸比丘言迦
留陁夷汝莫強入中卧何以故汝惡眠不一
心眠軒眠斷齒窺語頻伸拍手動足作大音
聲諸比丘聞是聲不得眠故食不消食不消
故身體患痒悶吐逆不樂迦留陁夷言我
自安樂汝不樂者便自出去作是語已強敷

卧具是中。有比丘少欲知足。行頭陀。聞是事。心不喜。種種因緣呵責。云何名比丘。知比丘房中。先敷卧具。後來強敷。種種因緣呵已。向佛廣說。佛以是事集比丘僧。知而故問。迦留。随夷。汝實作是事。不荅。言實作。世尊。佛以種種因緣呵責。迦留。随夷。云何名比丘。知比丘房中。先敷卧具。後來強敷。種種因緣呵已。語諸比丘。以利故。與諸比丘結戒。從今是戒。應如是說。若比丘。知比丘房中。先敷卧具。後來強敷。若使人敷。不樂者。自當出去。除彼因緣。彼逸提知者。若自知。若從他聞。若彼人語。強敷者。不隨他意。自強敷。故使敷者。教人敷。

若敷坐床前若敷卧床前若敷房內若戶外
行處若高處若土埵前敷者波逸提波逸提
者煮燒覆障若不悔過能障礙道是中犯者
若比丘知比丘在比丘房中先敷卧具竟後
來於坐床前強敷卧具若能敷者波逸提不
能敷者突吉羅若卧床前若房內戶外行處
高處土埵前若自敷若使人敷能敷者波逸
提不能者突吉羅如是處隨自敷教敷一一
波逸提突吉羅若比丘爲惱他故閉戶開戶
閉向開向然火滅火然燈滅燈若唄呪願讀
經說法問難隨他所不喜樂事作一一波逸

提

竟十七

佛在舍衛國忒時有二客比丘向暮來是二
客比丘次得一房一人得閣上一人得閣下
得閣下者是坐禪人寂靜早入房中敷床褥
結跏趺坐樂默然故在閣上者多喜調戲經
唄呪願問難大聲戲笑作種種無益語言然
後入房用力坐尖脚床上以葦棧故床脚及
支陷下傷比丘頭垂死是比丘從房出語諸
比丘汝看是比丘不一心坐卧故床脚陷下
傷我頭垂死是中有比丘少欲知足行頭隨
聞是事心不喜種種因緣呵責
云何名比丘不一心坐卧用力坐故令床脚
陷下傷比丘頭垂死種種因緣呵已向佛廣

說佛以是事集比丘僧知而故問是比丘汝
實作是事不荅言實作世尊佛以種種因緣
呵責云何名比丘不一心坐卧令床脚陷下
傷比丘頭垂死種種因緣呵已語諸比丘以
十利故與諸比丘結戒從今是戒應如是說
若比丘比丘房閣中尖脚坐床用力坐卧波
逸提比丘房者或屬僧或屬一人極小乃至
容四威儀行立坐卧閣者一重已上皆名爲
閣床者卧床卧床者有五種阿珊蹄脚波郎劬
脚羝羊角脚尖脚曲脚坐禪床亦有五種阿
珊蹄脚波郎劬脚羝羊角脚尖脚曲脚坐者
身坐上卧者身卧上波逸提者煮燒覆障若

不悔過能障礙道是中犯者若比丘卧床一
脚尖三脚阿珊蹄若二脚尖二脚阿珊蹄若
三脚尖一脚阿珊蹄若四脚尖是中隨用力
坐卧一一波逸提若是卧床一脚尖三脚波
郎劬若二脚尖二脚波郎劬若三脚尖一脚
波郎劬若四脚尖是中隨用力坐卧一一波
逸提若是卧床一脚尖三脚羝羊角若二脚
尖二脚羝羊角若三脚尖一脚羝羊角若曰
脚尖是中隨用力坐卧一一波逸提若是卧
床一脚尖三脚曲若二脚尖二脚曲若三脚
尖一脚曲若四脚尖是中隨其力坐卧一一
波逸提坐禪床亦如是若以石支尖脚床波

逸提若以埽支若以木支若以白蠟支若金

錫支一一波逸提若以材棧板棧擢子棧若

厚泥若是床脚支木朽腐若草團支若衣團

支若納團支不犯

木枝朽則輒不能傷人故言不犯

十八事竟

佛在俱舍弥國尔時長老闍那用有垂水澆

草和泥諸比丘語闍那言莫用有垂水澆草

和泥殺諸小虫闍那荅言我用水和泥不用虫諸

比丘言汝知是水有虫云何用和泥汝於畜生中

無憐愍心是中有比丘少欲知足行頭陁闍是事

心不喜種種因緣呵責云何名比丘知水有虫

用澆草和泥種種因緣呵已向佛廣說佛以

是事集比丘僧知而故問闍那汝實作是事

不荅言實作世尊佛以種種因緣呵責云何
名比丘知水有虫用澆草和泥種種因緣呵
已語諸比丘以十利故與諸比丘結戒從今
是戒應如是說若比丘知水有虫自用澆草
和泥若使人用波逸提知者自知若從他聞
虫者若眼所見若漉水囊所遮澆草者自手
澆使澆者教他澆和泥者自手和使和者教
他和波逸提波逸提者煮燒覆障若不悔過
能障礙道是中犯者若比丘知水有虫用澆
草隨虫死一一波逸提若使他澆草隨虫死
一一波逸提若比丘知水有虫用澆泥隨虫
死一一波逸提若使他和泥隨虫死一一波

逸提牛屎乾土乃至以竹蘆葉著有虫水中
隨虫死一一波逸提若比丘有虫水中有虫
想用者波逸提有虫水中無虫想用波逸提
有虫水疑用波逸提無虫水中有虫想用突
吉羅無虫水中生疑用突吉羅無虫水中無
虫想用不犯十九

佛在俱舍毗國尔時長老闍那欲起大房閣是人
性懈惰作是念誰能日日看視即一日掘地築基
累壁竟安戶向成第二重安施戶向泥壁塗土治架
椽覆訖即日作竟即日崩倒是中有比丘少欲
知足行頭陀聞是事心不喜種種因緣呵責
云何名比丘起大房閣大用草木泥土即日

作成即日崩倒種種因緣呵已向佛廣說佛
以是事集比丘僧知而故問闍那汝實作是
事不荅言實作世尊佛以種種因緣呵責闍
那比丘云何名比丘起大房閣大用草木泥
土即日作成即日崩倒種種因緣呵已語諸
比丘以十利故與諸比丘結戒從今是戒應
如是說若比丘欲起大房當疊壁安梁戶向
治地應再三覆過是覆者波逸提大房者溫
室講堂合流堂高樓重閣狹長屋壁者四壁
若木若土梁者棟所依處戶者安扇處向者
窓向通明處治地者泥地麁泥糠泥用赤白
黑塗灑塗治彩畫黑畫青畫白畫赤畫再三

覆者應若二若三覆波逸提者煮燒覆障若不悔過能障礙道是中犯者若比丘自知覆者應自覆一分竟第二分應發頭第三分應約勅言當如是覆約勅已便去是比丘若在中即竟第三覆者是舍若用草覆隨所用草一一波逸提若用木篲覆隨用木篲一一篲波逸提若以瓦覆隨所用瓦一一波逸提不犯者若用板覆若用鳥翅覆若用優尸羅草根覆不犯

二十
事竟

佛在舍衛國介時佛告諸比丘我教化四眾疲極令諸比丘當教誡比丘居介時諸比丘受佛教已次第教誡比丘居上座比丘次教

誠竟次至長老般特時阿難往語般特言汝
知不汝明日次應教誡比丘尼般特語阿難
言我鈍根不多聞未有所知我夏四月乃能
誦得一拘摩羅偈智者身口意不作一切惡常
繫念現前捨離於諸欲亦不受世間無益之
苦行阿難得過是次者善阿難再三語般特
言諸上座已教誡竟今次到汝般特比丘亦
再三報阿難言我鈍根不多聞未有所知夏
四月乃能誦得拘摩羅一偈得過次者善阿
難復言汝明日次教誡比丘尼即受阿難語
夜過已中前著衣持鉢入舍衛城次第乞食
食後還自房舍空地敷座床已入室坐禪介

時諸比丘尼聞今日般特比丘次教誡比丘
尼皆生輕心是不多聞讀誦經少夏四月過
誦得一拘摩羅偈智者身口意不作一切惡
常繫念現前捨離於諸欲亦不受世間無益
之苦行我等所未聞法云何得聞所未知法
云何得知所誦拘摩羅偈我等先已暗誦諸
有比丘尼先不入祇陀林聽法者時皆共來
有五百比丘尼出王園比丘尼精舍往祇洹
聽法詣長老般特房前立聲咳作聲扣戶言
大德般特出來長老般特即從禪起出房至
獨坐床上端身大坐諸比丘尼頭面禮竟皆
在前坐時長老般特以柔軟語言諸姊妹當知

我鈍根少所讀誦夏四月過誦得一偈智者
身口意不作一切惡常繫念現前捨離於諸
欲亦不受世間無益之苦行雖然我當隨所
知說汝等當一心行不放逸法何以故乃至
諸佛皆從一心不放逸行得阿耨多羅三藐
三菩提所有助道善法皆以不放逸爲本作
是語已用神通力於座上沒在於東方虛空
之中現四威儀行立坐卧入火光三昧身出
光炎青黃赤白種種色光身下出火身上出
水身下出水身上出火南西北方四維上下
亦復如是種種現神力已還坐本處諸比丘
左見長老般特如是神力已輕心滅盡生信

敬心尊重淨心折伏憍慢即隨比丘居所喜
樂法所應解法而為演說衆中有得須陀洹
果斯陀含果阿那含果阿羅漢果有種聲聞
道因緣有種辟支佛道因緣有發阿耨多羅
三藐三菩提因緣者尔時衆中得如是種種
大利益是戒初因緣

佛在王舍城尔時六群比丘次教誡比丘
尔時置教誡事置教誨事置說法語作二種惡
說麤惡語尔時有下座年少比丘居不深樂
持戒共六群比丘調戲輕語大笑更相字名
種種不清淨事是中有上座長老比丘居深
樂持戒在餘處經行或立住待欲聞說法又

一時摩訶波闍波提比丘尼與大比丘尼衆
五百人俱出王園精舍往詣佛所頭面禮足
在一面立五百比丘尼亦頭面禮佛足在一
面立瞿曇彌比丘尼一面立已白佛言世尊
佛為利益故聽教誡比丘尼我等不得是利
佛問瞿曇彌云何我為利益故聽教誡比丘
尼不得是利瞿曇彌比丘尼向佛廣說是事
佛言實介我為利益故聽教誡比丘尼汝等
實不得是利時佛為瞿曇彌及五百比丘尼
說種種法示教利喜已默然時瞿曇彌五百
比丘尼知佛示教利喜已頭面禮佛足右遶
而去時瞿曇彌五百比丘尼去不久佛以是

事集比丘僧知而故問六群比丘汝實作是
事不荅言實作世尊佛以種種因緣呵責六
群比丘云何名比丘僧不差便教誡比丘尼
佛種種因緣呵已語諸比丘以十利故與諸
比丘結戒從今是戒應如是說若比丘僧不
差教誡比丘尼教誡比丘尼者波逸提僧不
差者僧未一心和合差令教誡波逸提者煮
燒覆障若不悔過能障礙道是中犯者若一
比丘僧未差教誡一比丘尼者一波逸提若
一比丘教誡二三四比丘尼者四波逸提若
二比丘教誡二比丘尼者二波逸提若教誡
三四一比丘尼者一波逸提若三比丘教誡

三比丘居者三波逸提若教誡四一二比丘
居者二波逸提若四比丘教誡四比丘居者
四波逸提若教誡一二三比丘居者三波逸
提佛在王舍城尔時六群比丘知僧不差教
誡比丘居便出界外自相差次教誡比丘居
然後入界諸比丘居來時便語諸比丘居言
僧差我教誡比丘居汝來我當說教誡法以是
因緣集比丘居衆已置教誡事置教誨事置
說法語作二種惡是中有年少比丘居不深
樂持戒共六群比丘調戲輕語大笑更相字
名種種不清淨事是中有上座長老比丘居
深樂持戒在餘處經行或立住待是時比丘

居僧共和合相近佛遙見比丘居僧共和合
相近佛知故問阿難何以故比丘居僧共和
合相近阿難荅言世尊是六群比丘知僧不
羯磨令教誡比丘居便出界外自相羯磨教
誡比丘居然後入界見諸比丘居來便作是
言僧一心羯磨我教誡比丘居汝等來我當
說教誡法以是因緣故集比丘居置教誡事置
教誨事置說法語作二種惡是中有年少下
座比丘居不深樂持戒共六群比丘調戲輕
語更相呼名是中有上座長老比丘居深樂
持戒在餘處經行立待世尊以是因緣故比丘
居僧共和合相近佛以是因緣集比丘僧語諸

比丘從今日比丘有五法不應差令教誡比
丘尼何等五一者未滿二十歲未過二十歲
二者不能持戒三者不能多聞四者不能正
語說法五者犯十三事處處汙三衆未滿二
十歲者從受具戒來未滿二十歲不能持戒
者破佛所結戒不隨具戒中教不知威儀不
知應行處不應行處乃至破小戒無怖畏心
不能次第學持戒不多聞者二部具戒不合
義誦讀不能正語說法者不能善知世間正
語上好言辭犯十三事者若十三事中處處汙
式叉摩尼沙彌沙彌尼是三衆邊犯罪雖悔
過亦不得教誡比丘尼若比丘有五法者

不得差教誡比丘尼若比丘成就五法應差
教誡比丘尼何等五滿二十歲若過二十歲能
持戒能多聞能正語說法不犯十三事不汙
三衆滿二十歲者受具戒未滿二十歲若過
持戒者不犯佛所結戒隨大戒教知威儀知
應行處不應行處乃至破小戒生大怖畏知
次第學持戒多聞者二部大戒合義誦讀能
正語說法者善知世間正語上好言辭不犯十
三事者十三事中不麤麤汙三衆者式叉摩尼沙
彌沙彌尼若比丘成就此五法者僧應差教
誡比丘尼若比丘不滿二十歲不能持戒不
能多聞不能正語說法犯十三事麤麤汙三衆若

僧差是人教誡比丘尼者不成差若是人教
誡比丘尼者波逸提若滿二十歲若過不能
持戒不能多聞不能正語說法犯十三事汗
三衆若僧差是人者不成差是人教誡比丘
尼者波逸提若滿二十歲若過能持戒不能
多聞不能正語說法犯十三事汗三衆若僧
差是人者不成差是人教誡比丘尼者得波
逸提若滿二十歲若過能持戒能多聞不能
正語說法犯十三事汗三衆若差是人者不
成差是人教誡比丘尼者波逸提若滿二十
歲若過能持戒能多聞能正語說法犯十三
事汗三衆若僧差是人者不成差是人教誡

比丘尼波夜提若滿二十歲若過能持戒能
多聞能正語說法不犯十三事不汙三衆若
僧未差便教誡比丘尼者波逸提成就五法
已差未僧中差便教誡者波逸提成就五法
已差已僧中差未語便教誡者突吉羅成就
五法已差已僧中差已語未僧中語便教誡者
突吉羅成就五法已差已僧中差已語已僧
中語不問來者言諸妹一切皆來集不便教
誡者突吉羅成就五法已差已僧中差已語
已僧中語已問諸妹一切皆來集未說八
敬法便語後比丘者突吉羅成就五法已差
已僧中差已語已僧中語已問諸妹一切皆

來集不已說八敬法次語後比丘者不犯二竟
佛在舍衛國介時佛告難陀汝當教誡比丘
尼當教誨比丘尼當為比丘尼說法何以故
若汝教誡比丘尼與我無異即時長老難陀
默然受教佛即時語諸比丘汝等差難陀教
誡比丘尼若更有如是比丘亦當差令教誡
比丘尼應如是作一心和合僧一比丘唱言
大德僧聽是難陀比丘僧差令教誡比丘尼
若僧時到僧忍聽差難陀教誡比丘尼白
如是作白二羯磨僧差難陀比丘教誡比丘
尼竟僧忍默然故是事如是持是夜過已難
陀比丘中前著衣持鉢入城乞食食後還房

空地敷獨座床已入室坐禪時諸比丘聞難
隨教誡比丘先未來聽法者皆來集聽五
百比丘俱出王園精舍入祇陀林詣難陀
房前立磬咳作聲扣戶言大德難陀爲我等
說法教誡來時難陀從禪起開戶出至獨坐
床上端身大坐時諸比丘頭面禮難陀足
皆在前坐難陀即時說種種法示教利喜示
教利喜已默然時諸比丘得善法味深愛
樂故不欲起去難陀作是念是諸比丘得
法味故猶欲聞法即更爲說種種法示教利
喜乃至日沒語諸比丘言日沒可去諸比
丘及即起頭面禮足右遶而去出祇陀林欲

入城城門已閉即住城下漸邊宿者或在樹
下或在井邊或在屏處障處宿晨朝開門諸
比丘居即便先入時守門人問諸比丘居諸
善女今從何來荅言我從祇陀林聽法日沒
來還城門已閉不及得入問曰何處宿各隨
宿處荅有城下宿者荅言城下宿樹下宿者荅
言樹下宿井邊宿者荅言井邊屏處障處宿者
荅言屏障處守門人言何有此法諸沙門釋
子破梵行人夜共作惡早起放來如賊得姪
女共宿早起放來門下諸釋子比丘亦如是
暮共宿已早起放來如是一人語二人二人
語三人如是展轉惡名流布滿舍衛城是中

有比丘少欲知足行頭陀聞是事心不喜向
佛廣說佛以是事集比丘僧知而故問難陀
汝實作是事不荅言實作世尊佛以種種因
緣呵責難陀汝不知時不知量樂說法乃至
日沒語諸比丘以十利故與諸比丘結戒從
今是戒應如是說若比丘僧差教誡比丘尼
至日沒者波逸提波逸提者煮燒覆障若不
悔過能障礙道是中犯者若比丘地了時教
誡比丘尼乃至日沒竟時波逸提若比丘地
了竟時中前時日中時晡時下晡時日沒時
教誡比丘尼至日沒竟時波逸提若日沒竟
時生日沒竟想教誡波逸提若日沒竟時生

不沒竟想教誠波逸提若日沒竟時生疑教
誠波逸提若日未沒生沒竟想教誠突吉羅
若日未沒生疑教誠突吉羅若日未沒生未
沒想教誠不犯

二事

佛在王舍城介時六群比丘自知不復得教
誠比丘尼妬瞋作是言諸比丘為利養故教
誠比丘尼謂衣鉢戶鉤時藥夜分藥七日藥
終身藥以是利故諸比丘教誠比丘尼不為
善好法是中有些比丘少欲知足行頭陀聞是
事心不喜種種因緣呵責云何名比丘作是
言諸比丘為財利故教誠比丘尼種種因緣
呵已向佛廣說佛以是事集比丘僧知而故

問六群比丘汝實作是事不荅言實作世尊
佛以種種因緣呵責云何名比丘作是言諸
比丘爲財利故教誡比丘居種種因緣呵已
語諸比丘以十利故與諸比丘結戒從今是
戒應如是說若比丘作是言諸比丘爲財利
故教誡比丘居波逸提者煮燒覆障
若不悔過能障礙道是中犯者若比丘言諸
比丘爲衣鉢故教誡比丘居波逸提爲衣戶
鉤時藥夜分藥七日藥終身藥故教誡比丘
居皆波逸提隨所說隨得亦所波逸提二十
三竟
佛在王舍城介時六群比丘與助提婆達多
比丘居共期同道行調戲大笑作麁惡語種

種不淨業是中有居士逆道來者有隨後來者見已共相謂言汝等看是爲是婦耶爲是私通必共作姪欲事是中有比丘少欲知足行頭陀聞是事心不喜向佛廣說佛以是事集比丘僧知而故問六群比丘汝實作是事不荅言實作世尊佛以種種因緣呵責云何名比丘與比丘尼共期同道行從一聚落至一聚落佛種種因緣呵已語諸比丘以十利故與諸比丘結戒從今是戒應如是說若比丘與比丘尼共期同道行從一聚落至一聚落波逸提期者若比丘作期若比丘尼作期道者有二種陸道水道波逸提者煮燒覆障

若不悔過能障礙道是中犯者若比丘與比丘
居共期陸道行從一聚落至一聚落波逸提
設若中道還突吉羅若向空地無聚落處乃
至一拘盧舍波逸提若中道還突吉羅水道
行亦如是

佛在舍衛國舍時諸比丘尼從憍薩羅國遊
行向舍衛國到險道中待多伴時有諸比丘
亦從憍薩羅遊行向舍衛國諸比丘尼遙見
諸比丘作是念我等共諸比丘去者安隱得
過諸比丘來漸近比丘尼問言諸大德欲何所
去諸比丘荅言向舍衛國比丘尼言我等當
共諸大德去比丘荅言佛結戒諸比丘不得

與比丘尼共期同道行去何共去諸比丘尼
言若然者大德前去時諸比丘衆多安隱得
過險道賊不敢發諸比丘尼隨後緩來賊見
女人衆少尋出奪衣悉皆裸形放去諸比丘
遊行漸到舍衛國詣佛所頭面禮足一面坐
諸佛常法有客比丘來以如是語勞問諸比
丘忍不足不安樂住不乞食不難道路不極
耶諸比丘荅言世尊忍足安樂住乞食易得
道路不極即以是事向佛廣說佛以是事集
比丘僧種種因緣讚戒讚持戒讚持戒
已語諸比丘從今是戒應如是說若比丘與
比丘尼共期同道行從一聚落至一聚落除

因緣波逸提。因緣者。若是道中要須多伴。所行道有疑怖畏。是名因緣。

疑者有二種。一疑失衣鉢。二疑失糧食。若疑失糧食者。比丘居飲食。比丘應取持去。若疑失衣鉢。比丘居衣鉢。比丘應取持去。若至安隱豐樂處。亦時應還。比丘居衣食。應語姊妹。

汝等隨意不得共行。若亦時復共同道行。至一聚落。波逸提。若中道還。突吉羅。若從聚落向空地。乃至一拘盧舍。波逸提。中道還。突吉羅。水道亦如是不犯者。不期去。若有王夫人共行。不犯。事竟二十四

十誦律卷第十一

床下蒲 眚米反 檔音當 輜元作 齒丁浪反 齧下 齙反 縛下 縛音厚 縛下 縛正 抖音厚

擻斗二 擻字音 擻音 擻音 擻音 擻音 擻音 擻音 擻音 擻音

賤下徒 賤音 賤音 賤音 賤音 賤音 賤音 賤音 賤音 賤音

勤巢上 勤音 勤音 勤音 勤音 勤音 勤音 勤音 勤音 勤音

斷反戶 斷音 斷音 斷音 斷音 斷音 斷音 斷音 斷音 斷音

諫反助 諫音 諫音 諫音 諫音 諫音 諫音 諫音 諫音 諫音

專正作 專音 專音 專音 專音 專音 專音 專音 專音 專音

朽下上 朽音 朽音 朽音 朽音 朽音 朽音 朽音 朽音 朽音

鹿掘地 鹿音 鹿音 鹿音 鹿音 鹿音 鹿音 鹿音 鹿音 鹿音

鈍反徒 鈍音 鈍音 鈍音 鈍音 鈍音 鈍音 鈍音 鈍音 鈍音

緩反胡 緩音 緩音 緩音 緩音 緩音 緩音 緩音 緩音 緩音

後

